

**REGLUGERÐ FRAMKVÆMDASTJÓRNARINNAR (EB) nr. 324/2008**

frá 9. apríl 2008

**um endurskoðaðar verklagsreglur um framkvæmd skoðana framkvæmdastjórnarinnar á sviði siglingaverndar**

(Texti sem varðar EES)

FRAMKVÆMDASTJÓRN EVRÓPUBANDALAGANNA HEFUR,

með hliðsjón af stofnsáttmála Evrópubandalagsins,

með hliðsjón af reglugerð Evrópuþingsins og ráðsins (EB) nr. 725/2004 frá 31. mars 2004 um að efla vernd skipa og hafnaraðstöðu<sup>(1)</sup>, einkum 4. mgr. 9. gr.,með hliðsjón af tilskipun Evrópuþingsins og ráðsins 2005/65/EB frá 26. október 2005 um að efla hafnarvernd<sup>(2)</sup>, einkum 2. og 3. mgr. 13. gr.,

og að teknu tilliti til eftirfarandi:

1) Til að fylgjast með beitingu reglugerðar (EB) nr. 725/2004 í aðildarríkjunum skal framkvæmdastjórnin annast skoðanir sem hefjast sex mánuðum eftir gildistöku þeirrar reglugerðar. Nauðsynlegt er að framkvæmdastjórnin hafi yfirumsjón með skipulagi skoðana til að sannprófa skilvirkni gæðaeftirlitskerfa í hverju landi um sig og ráðstafana, verklagsreglna og mannvirkja á sviði siglingaverndar.

2) Í samræmi við 3. mgr. 13. gr. í tilskipun 2005/65/EB skal framkvæmdastjórnin hafa eftirlit með framkvæmd fyrrnefndrar tilskipunar af hálfu aðildarríkjanna samhliða þeim skoðunum sem kveðið er á um í reglugerð (EB) nr. 725/2004.

3) Siglingaöryggisstofnun Evrópu, sem komið var á fót með reglugerð Evrópuþingsins og ráðsins (EB) nr. 1406/2002<sup>(3)</sup>, skal veita framkvæmdastjórninni tækniástoð við framkvæmd skoðana hennar á skipum, hlutaðeigandi félögum og viðurkenndum verndarstofnunum.

4) Framkvæmdastjórnin skal samhæfa áætlun og undirbúning skoðana sinna í samvinnu við aðildarríkin. Skoðunarteymi framkvæmdastjórnarinnar skulu geta kallað til starfa hæfa innlenda skoðunarmenn þegar þess er kostur.

5) Skoðanir á vegum framkvæmdastjórnarinnar skulu fara fram í samræmi við fasta málsmeðferð, þ.m.t. staðlaðar aðferðir.

6) Meðhöndla skal viðkvæmar upplýsingar um skoðanir sem leynilegar upplýsingar.

7) Reglugerð framkvæmdastjórnarinnar (EB) nr. 884/2005 frá 10. júní 2005 um verklagsreglur við framkvæmd skoðana framkvæmdastjórnarinnar á sviði siglingaverndar<sup>(4)</sup> skal því felld úr gildi.

8) Ráðstafanirnar, sem kveðið er á um í þessari reglugerð, eru í samræmi við álit nefndarinnar sem komið var á fót skv. 1. mgr. 11. gr. reglugerðar (EB) nr. 725/2004.

SAMÞYKKT REGLUGERÐ ÞESSA:

## I. KAFLI

## VIÐFANGSEFNI OG SKILGREININGAR

1. gr.

## Viðfangsefni

Í þessari reglugerð er mælt fyrir um verklagsreglur um framkvæmd skoðana á vegum framkvæmdastjórnarinnar til að fylgjast með beitingu reglugerðar (EB) nr. 725/2004 í hverju aðildarríki, í tengslum við hverja einstaka hafnaraðstöðu og hjá hlutaðeigandi félögum.

Í þessari reglugerð er einnig mælt fyrir um málsmeðferð um eftirlit á vegum framkvæmdastjórnarinnar með framkvæmd tilskipunar 2005/65/EB samhliða skoðunum í aðildarríkjunum og á hafnaraðstöðu, að því er varðar hafnir, eins og skilgreint er í 11. mgr. 2. gr. þessarar reglugerðar.

Skoðanirnar skulu fara fram á gagnsæjan, skilvirkan, samhæfðan og samræmdan hátt.

<sup>(1)</sup> Stjtið. ESB L 129, 29.4.2004, bls. 6.

<sup>(2)</sup> Stjtið. ESB L 310, 25.11.2005, bls. 28.

<sup>(3)</sup> Stjtið. EB L 208, 5.8.2002, bls. 1. Reglugerðinni var síðast breytt með reglugerð (EB) nr. 2038/2006 (Stjtið. ESB L 394, 30.12.2006, bls. 1).

<sup>(4)</sup> Stjtið. ESB L 148, 11.6.2005, bls. 25.

2. gr.

í reglugerð (EB) nr. 725/2004, og ráðstafana um hafnarvernd sem mælt er fyrir um í tilskipun 2005/65/EB,

### Skilgreiningar

Í þessari reglugerð er merking eftirfarandi hugtaka sem hér segir:

1. „skoðun á vegum framkvæmdastjórnarinnar“: rannsókn af hálfu skoðunarmanna framkvæmdastjórnarinnar á gæðaeftirlitskerfum aðildarríkjanna, ráðstöfunum, verklagsreglum og mannvirkjum á sviði siglingaverndar í hverju ríki fyrir sig til að ákvarða hvort ákvæði reglugerðar (EB) nr. 725/2004 séu uppfyllt og framkvæmd tilskipunar 2005/65/EB,
2. „skoðunarmaður framkvæmdastjórnarinnar“: einstaklingur sem uppfyllir kröfurnar, sem tilgreindar eru í 7. gr., og starfar hjá Siglingaöryggisstofnun Evrópu eða innlendum skoðunarmaður með umboð framkvæmdastjórnarinnar til að taka þátt í skoðunum á vegum framkvæmdastjórnarinnar,
3. „innlendum skoðunarmaður“: einstaklingur sem aðildarríki ræður til starfa og er viðurkenndur sem skoðunarmaður á sviði siglingaverndar samkvæmt kröfum þess aðildarríkis,
4. „hlutlæg sönnunargögn“: meginlegar eða eigindlegar upplýsingar, skýrslur eða niðurstöður sem lúta að vernd eða tilvist og framkvæmd kröfu, sem mælt er fyrir um í reglugerð (EB) nr. 725/2004 eða í tilskipun 2005/65/EB, byggð á athugasemdum, mælingum eða prófunum sem unnt er að færa sönnur á,
5. „athugasemd“: niðurstaða fengin við skoðun á vegum framkvæmdastjórnarinnar, studd hlutlægum sönnunargögnum,
6. „frávik“: aðstæður, sem hafa verið kannaðar, þar sem hlutlæg sönnunargögn benda til þess að ekki sé farið að kröfu, sem mælt er fyrir um í reglugerð (EB) nr. 725/2004 eða í tilskipun 2005/65/EB, þannig að aðgerðir til úrbóta eru nauðsynlegar,
7. „gróft frávik“: greinilegt frávik sem er alvarleg ógnun við siglingavernd og krefst tafarlausra aðgerða til úrbóta og að auki telst það vera gróft frávik ef krafa samkvæmt reglugerð (EB) nr. 725/2004 er ekki uppfyllt með skilvirkum og kerfisbundnum hætti,
8. „tengiliður“: aðili sem sérhvert aðildarríki tilnefnir sem tengilið milli framkvæmdastjórnarinnar og annarra aðildarríkja og til að greiða fyrir, fylgja eftir og upplýsa um beitingu ráðstafana um siglingavernd, sem mælt er fyrir um

9. „hlutaðeigandi félag“: aðili sem ber að tilnefna verndarfulltrúa félags, verndarfulltrúa skips eða verndarfulltrúa hafnar eða sem ber ábyrgð á að hrinda í framkvæmd verndaráætlun fyrir skip eða verndaráætlun fyrir hafnarástöðu eða sem aðildarríki hefur tilnefnt sem viðurkenndan verndaraðila,
10. „prófun“: prófun á ráðstöfunum til að tryggja siglingavernd þar sem líkt er eftir þeim ásetningi að fremja ólöglegt athæfi í þeim tilgangi að prófa skilvirkni við framkvæmd gildandi verndarráðstafana,
11. „höfn“: svæði innan marka sem aðildarríkin skilgreina skv. 3. mgr. 2. gr. í tilskipun 2005/65/EB og tilkynna framkvæmdastjórninni um það skv. 12. gr. í sömu tilskipun.

## II. KAFLI

### ALMENNAR KRÖFUR

3. gr.

### Samvinna milli aðildarríkja

Með fyrirvara um ábyrgð framkvæmdastjórnarinnar skulu aðildarríkin sinna skoðunarverkefnum sínum í samvinnu við hana. Þessi samvinna skal fara fram á undirbúnings-, eftirlits- og skýrslugjafarstiginu.

4. gr.

### Beiting heimilda framkvæmdastjórnarinnar

1. Hvert aðildarríki skal sjá til þess að skoðunarmenn framkvæmdastjórnarinnar geti beitt heimildum sínum til að skoða starfsemi á sviði siglingaverndar hjá lögbærum yfirvöldum samkvæmt reglugerð (EB) nr. 725/2004 eða tilskipun 2005/65/EB og hjá hlutaðeigandi félagi.
2. Hvert aðildarríki skal sjá til þess, sé þess óskað, að skoðunarmenn framkvæmdastjórnarinnar hafi aðgang að öllum skjölum sem tengjast siglingavernd og einkum:
  - a) innlendri áætlun um framkvæmd reglugerðar (EB) nr. 725/2004 sem um getur í 3. mgr. 9. gr. þeirrar reglugerðar,

b) upplýsingar, sem tengiliður leggur fram, og vöktunarskýrslur, sem um getur í 4. mgr. 9. gr. reglugerðar (EB) nr. 725/2004,

6. gr.

c) niðurstöður úr vöktun aðildarríkjanna með framkvæmd áætlana um hafnarvernd.

3. Á þeim stöðum þar sem skoðunarmenn á vegum framkvæmdastjórnarinnar eiga í erfiðleikum með að sinna skyldustörfum sínum skulu hlutaðeigandi aðildarríki aðstoða framkvæmdastjórnina, eins og þeim er framast unnt, innan þeirra lagaheimilda sem þeim eru tiltækar, til að hún geti sinnt verkefni sínu til fulls.

5. gr.

#### Þátttaka innlendra skoðunarmanna í skoðunum á vegum framkvæmdastjórnarinnar

1. Aðildarríkin skulu útvega framkvæmdastjórninni innlenda skoðunarmenn sem geta tekið þátt í skoðunum á vegum framkvæmdastjórnarinnar og á tengdu undirbúnings- og skýrslugjafarstigi.

2. Innlendir skoðunarmaður skal ekki taka þátt í skoðunum á vegum framkvæmdastjórnarinnar í því aðildarríki þar sem hann er ráðinn til starfa.

3. Hvert aðildarríki skal útvega framkvæmdastjórninni skrá yfir skoðunarmenn sína og framkvæmdastjórnin getur farið þess á leit við þá að þeir taki þátt í skoðunum á vegum framkvæmdastjórnarinnar.

Uppfæra skal þessa skrá a.m.k. í júnílok ár hvert.

4. Framkvæmdastjórnin skal tilkynna nefndinni, sem komið var á fót skv. 1. mgr. 11. gr. í reglugerð (EB) nr. 725/2004 (hér á eftir nefnd „nefndin“), um skránar sem um getur í fyrstu undirgrein 3. mgr. þessarar greinar.

5. Ef framkvæmdastjórnin telur nauðsynlegt að innlendir skoðunarmaður taki þátt í tiltekinni skoðun framkvæmdastjórnarinnar skal hún fara fram á það að aðildarríkin upplýsi hvort innlendir skoðunarmenn séu tiltækir til að annast þá skoðun. Slíkar beiðnir skulu venjulega lagðar fram átta vikum áður en skoðunin fer fram.

6. Framkvæmdastjórnin skal standa straum af kostnaði við þátttöku innlendra skoðunarmanna í skoðunum á vegum framkvæmdastjórnarinnar í samræmi við reglur Bandalagsins.

#### Tækniaðstoð Siglingaöryggisstofnunar Evrópu við skoðanir á vegum framkvæmdastjórnarinnar

Þegar framkvæmdastjórnin nýtur tækniaðstoðar skv. iv. lið b-liðar 2. gr. reglugerðar (EB) nr. 1406/2002 skal Siglingaöryggisstofnun Evrópu útvega tæknilega sérfræðinga til að taka þátt í skoðunum á vegum framkvæmdastjórnarinnar, þ.m.t. á undirbúnings- og skýrslugjafarstiginu.

7. gr.

#### Viðmiðanir fyrir menntun og hæfi og þjálfun skoðunarmanna framkvæmdastjórnarinnar

1. Skoðunarmenn framkvæmdastjórnarinnar skulu búa yfir viðeigandi menntun og hæfi, þ.m.t. nægileg fræðileg og hagnýt reynsla í siglingavernd. Þetta felur venjulega í sér:

- góðan skilning á siglingavernd og hvernig henni er beitt gagnvart þeirri starfsemi sem er til skoðunar,
- góða verkþekkingu á öryggistækni og starfsaðferðum við siglingavernd,
- þekkingu á grundvallaratriðum skoðunar, aðferðum og tækni,
- verkþekkingu á þeirri starfsemi sem er til skoðunar.

2. Til að teljast hæfir til að annast skoðanir á vegum framkvæmdastjórnarinnar skulu skoðunarmenn framkvæmdastjórnarinnar hafa lokið þjálfun með viðunandi árangri. Þjálfunin, sem innlendir skoðunarmenn þurfa að hafa lokið til að starfa sem skoðunarmenn framkvæmdastjórnarinnar, skal:

- vera faggilt af framkvæmdastjórninni,
- fela í sér grunnþjálfun og reglubundna endurþjálfun,
- tryggja fullnægjandi færni til að hafa eftirlit með því hvort verndarráðstafirnar séu framkvæmdar í samræmi við reglugerð (EB) nr. 725/2004 og tilskipun 2005/65/EB.

3. Framkvæmdastjórnin skal sjá til þess að skoðunarmenn hennar uppfylli viðmiðin sem mælt er fyrir um í 1. og 2. mgr.

## III. KAFLI

VERKLAGSREGLUR UM FRAMKVÆMD SKOÐANA Á  
VEGUM FRAMKVÆMDASTJÓRNARINNAR

8. gr.

## Tilkynning um skoðanir

1. Framkvæmdastjórnin skal tilkynna tengilið aðildarríkisins, á því yfirlitssvæði þar sem skoðun á að fara fram, um skoðun með a.m.k. sex vikna fyrirvara. Við sérstakar aðstæður má stytta þennan tilkynningarfrest. Aðildarríkin skulu gera allar nauðsynlegar ráðstafanir til að tryggja að tilkynning um skoðun sé trúnaðarmál til að tryggja að skoðunarferlið skaðist ekki.

2. Tengiliðnum skal tilkynnt fyrir fram um umfang fyrirhugaðrar skoðunar á vegum framkvæmdastjórnarinnar. Ef skoða á hafnaraðstöðu skal upplýsa tengiliðinn um það í tilkynningunni hvort:

- a) skoðunin taki til skipa í þeirri hafnaraðstöðu, eða annars staðar í höfninni, meðan á skoðun stendur og
- b) skoðunin muni taka til vöktunar á höfninni skv. 2. mgr. 13. gr. í tilskipun 2005/65/EB.

Að því er varðar b-lið þýðir „vöktun“ sannprófun á því hvort aðildarríkin og hafnirnar á yfirlitssvæði þeirra, sem hafa verið tilkynntar til framkvæmdastjórnarinnar skv. 12. gr. tilskipunar 2005/65/EB, hafi komið ákvæðum tilskipunar 2005/65/EB til framkvæmda. Vöktun þýðir einkum sannprófun á því að tekið hafi verið tillit til allra ákvæða tilskipunar 2005/65/EB við framkvæmd áhættumats fyrir höfn og við gerð verndaráætlana fyrir hafnir og að ráðstafanirnar, sem gerðar eru samkvæmt því, séu í samræmi við ákvæðin, sem eru samþykkt samkvæmt reglugerð (EB) nr. 725/2004, að því er varðar hafnaraðstöðu í hlutaðeigandi höfnum.

3. Tengiliðurinn:

- a) skal upplýsa hlutaðeigandi lögbær yfirvöld í aðildarríkinu um skoðunina,
- b) skal tilkynna framkvæmdastjórninni um þessi hlutaðeigandi lögbæru yfirvöld.

4. Tengiliðurinn skal greina framkvæmdastjórninni, a.m.k. 24 klukkustundum áður en skoðunin fer fram, frá nafni fánaríkis og IMO-númeri skipa, sem búist er við að verði í hafnaraðstöðu eða í höfn og fær tilkynningu senda samkvæmt annarri undirgrein 2. mgr., meðan skoðunin fer fram.

5. Þegar fánaríki er aðildarríki skal framkvæmdastjórnin, þar sem því verður við komið, upplýsa tengilið þess aðildarríkis um að skoða megi skipið þegar það er í hafnaraðstöðunni.

6. Þegar skoðun á hafnaraðstöðu í aðildarríki felur í sér skip þess aðildarríkis sem er fánaríki skal tengiliður hafa samband við framkvæmdastjórnina til að staðfesta hvort skipið verði í hafnaraðstöðunni meðan skoðunin fer fram eða ekki.

7. Þegar skip, sem á að skoða, liggur ekki við landfestar í höfninni þegar skoðun á hafnaraðstöðunni fer fram skulu framkvæmdastjórnin og samræmingaraðilinn, sem er tilnefndur skv. 3. mgr. 9. gr., koma sér saman um það hvaða skip skuli skoða í staðinn. Það skip getur verið staðsett við aðra hafnaraðstöðu innan hafnarinnar. Ákvæði 5. og 8. mgr. þessarar greinar gilda áfram í þessum tilvikum.

8. Skoðanir á vegum framkvæmdastjórnarinnar skulu fara fram á vegum þess aðildarríkis þar sem hafnaraðstaðan er og það sinnir eftirliti og tryggir að kröfum sé framfylgt, skv. 9. reglu sérstakra ráðstafana til að auka siglingavernd í alþjóðasamningnum um öryggi mannlífa á hafinu frá 1974 (SOLAS-samþykktarinnar), með áorðnum breytingum, þegar annaðhvort:

- a) fánaríki skipsins er ekki aðildarríki eða
- b) skipið var ekki tilgreint í upplýsingunum sem lagðar voru fram skv. 4. mgr. þessarar greinar.

9. Þegar tengiliður fær tilkynningu um skoðun má fylgja með spurningalisti sem hlutaðeigandi lögbært yfirvald eða yfirvöld geta fyllt út fyrir skoðun ásamt beiðni um þau skjöl sem unnið er til að getur í 2. mgr. 4. gr. Í tilkynningunni skal einnig tilgreina lokafrest til að fylla út og senda spurningalistann, sem unnið er til að getur í 2. mgr. 4. gr., til framkvæmdastjórnarinnar.

9. gr.

## Undirbúningur fyrir skoðanir

1. Skoðunarmenn framkvæmdastjórnarinnar skulu annast undirbúningsaðgerðir til tryggja skilvirkni, nákvæmni og samræmi við skoðanirnar.

2. Framkvæmdastjórnin skal láta tengilið í té nöfn skoðunarmanna framkvæmdastjórnarinnar, sem hafa umboð til að framkvæma skoðun, ásamt öðrum upplýsingum, eftir því sem við á. Þessum nöfnum skal fylgja nafn hópstjóra skoðunarinnar, sem verður skoðunarmaður framkvæmdastjórnarinnar, sem framkvæmdastjórnin ræður til starfa.

3. Tengiliður skal tryggja að samræmingaraðili sé tilnefndur fyrir hverja skoðun til að sjá um hagnýtt fyrirkomulag skoðunarstarfsins. Meðan á skoðun stendur verður hópstjórinn aðaltengiliður samræmingaraðilans.

10. gr.

### Framkvæmd skoðana

1. Nota skal staðlaða aðferðafræði til að fylgjast með beitingu aðildarríkja á kröfunum um siglingavernd sem mælt er fyrir um í reglugerð (EB) nr. 725/2004.

2. Aðildarríkin skulu tryggja að skoðunarmenn framkvæmdastjórnarinnar njóti ávallt fylgdar meðan skoðun stendur yfir.

3. Ef skip er í hafnaraðstöðu, þar sem á að skoða það, og fánaríki skipsins er ekki aðildarríki hafnaraðstöðunnar, skal aðildarríki hafnaraðstöðunnar tryggja að skoðunarmenn framkvæmdastjórnarinnar njóti fylgdar starfsmanns yfirvalds, sem um getur í 2. mgr. 8. gr. reglugerðar (EB) nr. 725/2004, meðan skipið er skoðað.

4. Skoðunarmenn framkvæmdastjórnarinnar skulu bera skilríki sem heimilar þeim að framkvæma skoðanir fyrir hönd framkvæmdastjórnarinnar. Aðildarríkin skulu tryggja að skoðunarmenn framkvæmdastjórnarinnar fái aðgang að öllum svæðum sem nauðsynlegt er að skoða.

5. Prófun skal því aðeins fara fram að tengilið hafi verið tilkynnt um hana og að hann samþykki umfang og tilgang hennar. Tengiliðurinn skal hafa nauðsynlegt samráð við hlutaðeigandi lögbær yfirvöld.

6. Með fyrirvara um 11. gr. skulu skoðunarmenn framkvæmdastjórnarinnar, eftir því sem við á og því verður við komið, flytja óformlega samantekt á staðnum um athugasemdir sínar.

Hlutaðeigandi tengiliður skal þegar í stað upplýstur um hvers konar gróft frávik frá reglugerð (EB) nr. 725/2004 eða tilskipun 2005/65/EB, sem koma fram við skoðun framkvæmdastjórnarinnar, áður en lokið hefur verið við skoðunarskýrsluna í samræmi við 11. gr. þessarar reglugerðar.

Í tilvikum þegar skoðunarmaður framkvæmdastjórnarinnar, sem framkvæmir skoðun skips, telur að um gróft frávik sé að ræða, sem gefur tilefni til aðgerða skv. 16. gr., skal hópstjórinn tilkynna tengilið aðildarríkisins sem er hafnarríki það þegar í stað.

11. gr.

### Skoðunarskýrsla

1. Framkvæmdastjórnin skal senda viðkomandi aðildarríki skoðunarskýrslu innan sex vikna frá því að skoðuninni lauk. Skoðunarskýrslan getur innihaldið, ef við á, niðurstöðurnar úr vöktun hafnarinnar, sem fram fór samkvæmt b-lið 2. mgr. 8. gr.

2. Hafi skipið verið skoðað þegar hafnaraðstaða var skoðuð skal einnig senda viðeigandi hluta skoðunarskýrslunnar til aðildarríkisins sem er fánaríkið ef það er ekki sama aðildarríkið og skoðunin fór fram í.

3. Aðildarríkið skal upplýsa aðilana, sem sættu skoðun, um þær athugasemdir skoðunarinnar sem máli skipta. Þó skal ekki senda þeim aðilum, sem sættu skoðun, sjálfa skoðunarskýrsluna.

4. Í skýrslunni skal greint frá athugasemdum skoðunarinnar og tilgreind hvers konar frávik eða gróf frávik frá reglugerð (EB) nr. 725/2004 eða tilskipun 2005/65/EB. Skýrslan getur falið í sér tillögur um aðgerðir til úrbóta.

5. Þegar lagt er mat á framkvæmd reglugerðar (EB) nr. 725/2004 og tilskipunar 2005/65/EB skal einn af eftirtöldum flokkum eiga við um hverja athugasemd í skýrslunni:

- a) samrýmist að öllu leyti,
- b) samrýmist en umbætur æskilegar,
- c) frávik,
- d) gróft frávik,
- e) á ekki við,
- f) ekki staðfest.

12. gr.

### Svar aðildarríkisins

1. Aðildarríkið skal, innan þriggja mánaða frá sendingardegi skoðunarskýrslunnar, afhenda framkvæmdastjórninni skriflegt svar við skýrslunni þar sem:

- a) fjallað er um athugasemdirnar og tillögurnar og
- b) kveðið er á um aðgerðaáætlun, þar sem tilgreindar eru aðgerðir og frestir til að ráða bót á hvers konar tilgreindum annmörkum.

2. Ef ekki eru tilgreind nein frávik eða gróf frávik frá reglugerð (EB) nr. 725/2004 eða tilskipun 2005/65/EB í skoðunarskýrslunni er ekki krafist svars.

13. gr.

#### Aðgerð af hálfu framkvæmdastjórnarinnar

1. Framkvæmdastjórnin getur gripið til eftirtalinna ráðstafana ef um frávik eða gróf frávik er að ræða frá reglugerð (EB) nr. 725/2004 eða tilskipun 2005/65/EB og að fengnu svari frá aðildarríkinu:

- komið athugasemdamum á framfæri við aðildarríkið eða farið fram á frekari upplýsingar til að skýra allt svarið eða hluta þess,
- annast skoðun til eftirfylgni eða vöktun til að hafa eftirlit með framkvæmd aðgerða til úrbóta en tilkynna skal um slíka eftirfylgni með a.m.k. tveggja vikna fyrirvara,
- hafið málsmeðferð gagnvart viðkomandi aðildarríki vegna brots.

2. Ef framkvæma á skoðun á skipi til eftirfylgni skal aðildarríkið, sem er fánaríkið, upplýsa framkvæmdastjórnina um næstu viðkomuhafnir skipsins, þegar þess er kostur, svo framkvæmdastjórnin geti ákveðið hvar og hvenær skoðun til eftirfylgni geti farið fram.

#### IV. KAFLI

#### ALMENN ÁKVÆÐI OG LOKAÁKVÆÐI

14. gr.

#### Viðkvæmar upplýsingar

Framkvæmdastjórnin skal meðhöndla viðkvæmar upplýsingar, sem tengjast eftirliti, sem leynilegar upplýsingar, sbr. þó 13. gr. reglugerðar (EB) nr. 725/2004 og 16. gr. tilskipunar 2005/65/EB.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 9. apríl 2008.

15. gr.

#### Skoðunaráætlun framkvæmdastjórnarinnar

- Framkvæmdastjórnin skal ráðfæra sig við nefndina um forgangs röðun við framkvæmd skoðunaráætlunar sinnar.
- Framkvæmdastjórnin skal tilkynna nefndinni reglulega um framkvæmd skoðunaráætlunar sinnar og um niðurstöður skoðananna.

16. gr.

#### Upplýsingar til aðildarríkja um gróft frávik

Leiði skoðun í ljós gróft frávik frá reglugerð (EB) nr. 725/2004 eða tilskipun 2005/65/EB, sem talið er að hafi veruleg og almenn áhrif á siglingavernd í Bandalaginu, skal framkvæmdastjórnin tilkynna hinum aðildarríkjunum um það þegar í stað eftir að hafa sent skoðunarskýrsluna til hlutaðeigandi aðildarríkja. Þegar ráðin hefur verið bót á grófu frávikinu svo að framkvæmdastjórninni þyki fullnægjandi skal hún, eftir að hafa tilkynnt hinum aðildarríkjunum um fráviknið samkvæmt þessari grein, tilkynna það hinum aðildarríkjunum tafarlaust.

17. gr.

#### Endurskoðun

Framkvæmdastjórnin skal með reglulegu millibili endurskoða skoðunarkerfi sitt og einkum skilvirkni þess.

18. gr.

#### Niðurfelling

Reglugerð (EB) nr. 884/2005 er felld úr gildi.

19. gr.

#### Gildistaka

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

*Fyrir hönd framkvæmdastjórnarinnar,*

Jacques BARROT

*varaforseti.*